

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-143/18**  
**Vareš, 30.07. 2018. godine**

**Z A P I S N I K**  
**sa 18. sjednice Općinskog vijeća Vareš,**  
**održane 31.05. 2018. godine**

Nikola Šimić – zamjenik predsjedavajućeg Općinskog vijeća Vareš, otvorio je 18. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Mario Marošević. Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Igor, Šimić Nikola i Turki Fadila.

**Odsutni:** Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik općinskog načelnika – gosp. Ermin Musa, zamjenik općinskog pravobranilaštva – gosp. Damir Arnautović, ispred Službe za privredu, finansije i trezor – gosp. Stela Andrić i Boro Anđić, gosp. Izudin Muftić – PVJ Vareš, direktorica JU Centar za socijalni rad Vareš – gosp. Nihada Gondžo, direktor i predsjednik UO JU Dom zdravlja Vareš – gosp. Fikret Operta i gosp. Adis Hrvat, predsjednica Zdravstvenog savjeta - gosp. Aida Ahmedović, direktor i predsjednica Skupštine JP Veterinarska stanica d.o.o. Vareš – gosp. Suljo Abadžija i gosp. Jadranka Radoš, v.d direktorica i predsjednik UO JPU Dječije obdanište Vareš – gosp. Enisa Mušić i gosp. Kasim Fatić, predstavnik OSCE – gosp. Daut Bajramović, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 17. sjednice OV održane 26.04.2018. godine. Na 17. sjednici nije bilo zaključaka, postavljeno je devet (9) vijećničkih pitanja. Na šest (6) pitanja dostavljeni su pismeni odgovori podnosiocima vijećničkih pitanja, na tri (3) pitanja Stručna služba nije dobila pismene odgovore.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu informisao je Vijeće o planiranim projektima i radovima na infrastrukturi, istražnim radovima u vezi eksploatacije rude na području općine Vareš, investicijama u drvenu industriju i otvaranju novih radnih mjesta. Izvijestio je prisutne i javnost da se od aktivnosti projekta VAMOS u vezi testiranja opreme za podvodno rudarenje

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



na lokalitetu bivšeg rudnika Smreka, odustalo iz tehničkih razloga. Upoznao je Vijeće da je Vlada FBiH donijela zaključke o otpisu duga svim dužnicima po osnovu doprinosa koji ispune obavezu plaćanja glavnice do maja 2019. godine. O daljnjim aktivnostima Općine Vareš po ovom pitanju, Vijeće će biti upoznato.

### *(Vijećnička pitanja)*

#### **Fadila Turki**

1. Može li se šta učiniti po pitanju radnog vremena UniCredit banke subotom?

#### **Elvir Rožajac**

2. Zašto se regionalni put R-444 ne tretira isto od Vareša prema Vijaci, kao što se tretira od Breze do Vareša? ( o postavljenom pitanju dao je dodatno obrazloženje )

#### **Kruno Ridić**

3. Pitanje uputio gosp. Erminu Musi. Možemo li nešto učiniti da se uredi parking preko puta Radničkog doma? ( o postavljenom pitanju dao je dodatno obrazloženje )
4. Pitanje uputio Opštinskom načelniku. Ima li šta konkretno vezano za objekat za zdravo starenje?

#### **Safeta Muftić**

5. Kada bi moglo doći do popravke puta u naselju Ljepovići, kao i uvođenja bar dvije rasvjetne sijalice? ( o postavljenom pitanju dala je dodatno obrazloženje )

#### **Adis Čizmo**

6. Pitanje uputio Opštinskim službama i JKP Vareš. Da li se može nešto učiniti za popravku i održavanje dječijeg igrališta u Varešu?
7. Da li može Opštinski načelnik sa službama da izdvoji određeni dio sredstava za uređenje košarkaškog igrališta u Varešu?

## Demo Kevrić

8. Da se na vrijeme uputi dopis srednjoj školi, da se za narednu školsku 2018/2019 godinu dostavi potrebna zanimanja za privredu opštine Vareš?
9. Da se uputi dopis JKP Vareš, da se urade potrebne niše za kontejnere?

## Romić Branko

10. Postoji li mogućnost povećane kontrole ispravnosti vode, posebno u naseljima u kojima JKP ne održava vodu?
11. Da li postoji mogućnost popravke sporednog puta od Ćamilovog potoka prema nekadašnjoj ambulanti u Vareš Majdanu?

Općinski načelnik na postavljena vijećnička pitanja, dao je usmene odgovore na samoj sjednici.

Zamjenik predsjedavajućeg OV stavio je na raspravu Zapisnik sa 17. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa 17. sjednice OV i nakon izjašnjavanja vijećnika konstatuje da je **jednoglasno sa (19 glasova „ZA“)** usvojen Zapisnik sa 17. sjednice OV.

Zamjenik predsjedavajućeg OV stavio je na raspravu prijedlog dnevnog reda za 18. sjednicu OV koji je usaglašen na Kolegiju Općinskog vijeća.

Direktor JU Dom zdravlja Vareš gosp. Fikret Operta zamolio je Vijeće da tačku 5. Izvještaj o radu JU Dom zdravlja Vareš za 2017. godinu, Vijeće razmatra kao tačku 3. o čemu je dao pojašnjenje.

Pomoćnik načelnik Ermin Musa ispred ovlaštenog predlagача predložio je dopunu dnevnog reda sa dvije tačke i to: tačka 11. „Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima“ i tačka 12. „Prijedlog Odluke o davanju na upravljanje, korištenje i održavanje poslovnih objekata JU Centar za kulturu i edukaciju Vareš“.

Općinski načelnik Zdravko Marošević dao je pojašnjenje za predložene tačke dopune dnevnog reda današnje sjednice.

Zamjenik predsjedavajućeg OV stavio je na izjašnjavanje predloženu izmjenu i dopune dnevnog reda.

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 19 glasova „ZA“)** usvojena izmjena i dopune dnevnog reda 18. sjednice OV.

Zamjenik predsjedavajućeg OV stavio je na izjašnjavanje prijedlog dnevnog reda 18. sjednice sa prihvaćenom izmjenom i dopunama dnevnog reda.

Nakon izjašnjavanja vijećnika zamjenik predsjedavajućeg OV konstatuje da je **jednoglasno ( sa 19 glasova „ZA“ ) usvojen sljedeći**

## *Dnevni red*

1. Prijedlog Rješenja o razrješenju predsjedavajućeg Općinskog vijeća Vareš.  
- Izvjestilac: Komisija za izbor i imenovanja.
2. Izbor predsjedavajućeg Općinskog vijeća Vareš.  
- Izvjestilac: Komisija za izbor i imenovanja.
3. Izvještaj o radu JU Dom zdravlja Vareš za 2017. godinu.  
- Izvjestilac: Direktor i Upravni odbor.
4. Informacija o stanju svih predmeta u Općinskom pravobranilaštvu, zaključno sa 31.12. 2017. godine i narednim aktivnostima Općinskog pravobranilaštva na zaštiti imovine i interesa Općine Vareš.  
- Izvjestilac: Zamjenik Općinskog pravobranilaštva – Damir Arnautović.
5. Izvještaj o radu JP Veterinarske stanice d.o.o. Vareš za period od 01.01. – 31.12. 2017. godine.  
- Izvjestilac: Direktor i Skupština.
6. Izvještaj o radu JU Centar za socijalni rad Vareš za 2017. godinu.  
- Izvjestilac: Direktor i Upravni odbor.
7. Izvještaj o radu i poslovanju JPU „Dječije obdanište Vareš“ u 2017. godini.  
- Izvjestilac: Direktor i Upravni Odbor .
8. Izvještaj/Izvešće o izvršenju budžeta/proračuna Općine Vareš za period januar/siječanj – mart/ ožujak 2018. godine.  
- Izvjestilac: Općinski načelnik.
9. Informacija o ostvarenim prihodima u 2017. godini po osnovu odluka Općinskog vijeća Vareš.  
- Izvjestilac: Općinski načelnik.
10. Prijedlog Odluke o izmjenama Odluke o načinu i uslovima raspolaganja nekretninom Općinskog vijeća Vareš.  
- Izvjestilac: Ermin Musa.
11. Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.  
- Izvjestilac: Ermin Musa.

12. Prijedlog Odluke o davanju na upravljanje, korištenje i održavanje poslovnih objekata JU Centar za kulturu i edukaciju Vareš..  
- Izvjestilac: Ermin Musa.
13. Prijedlog Rješenja o izboru i imenovanju predsjednika i članova Skupština Javnog preduzeća i to:  
a) Skupštine JKP d.o.o. Vareš,  
b) Skupštine JP „Vareš-stan“ d.o.o. Vareš,  
c) Skupštine JP Veterinarska stanica d.o.o. Vareš.  
- Izvjestilac: Općinski načelnik.
14. Informacija o provođenju lokalnog ekološkog akcionog/akcijskog plana za općinu Vareš u 2017. godini.  
- Izvjestilac: Ermin Musa.
15. Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.  
- Izvjestilac: Rusmir Berberović.
16. Tekuća pitanja

#### **Ad. 1.**

*(Prijedlog Rješenja o razrješenju predsjedavajućeg Općinskog vijeća Vareš.)*

Komisija za izbor i imenovanje na 4. sjednici održanoj 09.05.2018. godine jednoglasno je donijela sljedeće

#### **Zaključke:**

1. Komisija za izbor i imenovanje je jednoglasnog mišljenja da ostavku Kenana Kamenjaša na funkciju predsjedavajućeg Općinskog vijeća Vareš treba uvažiti i imenovanog razriješiti funkcije predsjedavajućeg.  
Izbor novog predsjedavajućeg izvršiti u skladu sa Statutom i Poslovníkom o radu Općinskog vijeća.
2. Pozivaju se političke stranke koje su zastupljene u Općinskom vijeću Vareš, da dostave prijedlog kandidata za predsjedavajućeg Općinskog vijeća Vareš sa kraćom biografijom.  
Prijedlog kandidata dostaviti do 21.05.2018. godine Komisiji za izbor i imenovanja.
3. Zapisnik sa ove sjednice dostaviti političkim strankama, Općinskom načelniku i Kolegiju OV.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Prijedlog Rješenja o razrješenju predsjedavajućeg Općinskog vijeća Vareš.

Nakon izjašnjavanja vijećnika zamjenik predsjedavajućeg OV konstatuje da je **sa 17 glasova „ZA“ i 2 „SUZDRŽANA“ glasa usvojeno**

***Rješenje o razrješenju predsjedavajućeg Općinskog vijeća Vareš.***

**Ad. 2.**

*(Izbor predsjedavajućeg Općinskog vijeća Vareš.)*

Komisija za izbor i imenovanje na 5. sjednici održanoj 31.05.2018. godine jednoglasno je donijela sljedeći

Zaključak:

- Predlaže se Općinskom vijeću Vareš da oba kandidata (**Adis Čizmo – prijedlog SDA i Mirnes Ajanović – prijedlog SDP**) idu u proceduru javnog izjašnjavanja Vijeća, odnosno da se vijećnici izjasne o jednom od predložena dva kandidata za predsjedavajućeg Općinskog vijeća Vareš.

Otvorena je rasprava u kojoj su svoje mišljenje i stavove iznijeli vijećnici: Kruno Ridić, Safeta Muftić, Branko Romić, Đemo Kevrić i Elvir Rožajac.

Zamjenik predsjedavajućeg OV u skladu sa Poslovníkom o radu Općinskog vijeća, podsjetio je Vijeće na proceduru i način izjašnjavanja vijećnika za izbor predsjedavajućeg OV. Vijeće se može izjasniti tajnim ili javnim glasanjem.

Zamjenik predsjedavajućeg stavio je na glasanje način (tajno ili javno) izjašnjavanje za predsjedavajućeg OV.

Nakon izjašnjavanja vijećnika zamjenik predsjedavajućeg konstatuje da je **jednoglasno (sa 19 glasova „ZA“) usvojeno da se Vijeće po ovoj tački dnevnog reda izjasni javnim glasanjem.**

Zamjenik predsjedavajućeg OV stavio je na izjašnjavanje prijedlog stranke **SDA – kandidat Adis Čizmo za predsjedavajućeg OV.**

Nakon izjašnjavanja vijećnika zamjenik predsjedavajućeg OV konstatuje da se Vijeće izjasnilo o prijedlogu stranke **SDA (14 glasova „ZA“, 4 glasa „PROTIV“ i 1 „SUZDRŽAN“ glas.)**

Zamjenik predsjedavajućeg OV stavio je na izjašnjavanje prijedlog stranke **SDP – kandidat Mirnes Ajanović za predsjedavajućeg OV.**

Nakon izjašnjavanja vijećnika zamjenik predsjedavajućeg OV konstatuje da se Vijeće izjasnilo o prijedlogu stranke **SDP (4 glasa „ZA“, 13 glasova „PROTIV“ i 2 „SUZDRŽANA“ glasa.)**

Zamjenik predsjedavajućeg OV konstatuje da je nakon javnog izjašnjavanja vijećnika o prijedlozima za izbor predsjedavajućeg OV, **sa 14 glasova „ZA“, 4 glasa „PROTIV“ i 1 „SUZDRŽANIM“ glasom za predsjedavajućeg Općinskog vijeća Vareš izabran Adis Čizmo.**

Zamjenik predsjedavajućeg OV Nikola Šimić uputio je čestitke novoizabranom predsjedavajućem OV i pozvao ga da nastavi sa vođenjem i radom današnje sjednice.

Predsjedavajući OV Adis Čizmo zahvalio se svima na ukazanoj podršci i nastavio je sa vođenjem i radom današnje sjednice.

### **Ad.3.**

*(Izveštaj o radu JU Dom zdravlja Vareš za 2017. godinu.)*

Direktor JU Dom zdravlja Vareš gosp. Fikret Operta dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije i pitanja iznijeli Općinski načelnik Zdravko Marošević i vijećnici: Fadila Turki, Kruno Riđić, Elvir Rožajac, Branko Romić, Demo Kevrić i Ilhana Fatić.

Direktor JU Dom zdravlja Vareš dao je odgovore na neka pitanja postavljena u raspravi i zahvalio se svima na upućenim sugestijama, primjedbama i pohvalama.

Predsjedavajući OV upoznao je Vijeće sa sadržajem dopisa – Mišljenja Zdravstvenog savjeta Općine Vareš broj: 02-673/18 od 23.05.2018. godine u kome su obavijestili Vijeće da Izveštaj o radu JU Dom zdravlja Vareš, Savjet prihvata u cijelosti bez dodatnih sugestija.

Predsjedavajući OV stavio je na izjašnjavanje Izveštaj o radu JU Dom zdravlja Vareš za 2017. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 2 „SUZDRŽANA“ glasa prihvaćen**

***Izveštaj o radu JU Dom zdravlja Vareš za 2017. godinu.***

Predsjedavajući OV dao je pauzu u trajanju od 5 minuta.

Nastavljeno je sa radom današnje sjednice.

(Vijećnik Mario Marošević iz opravdanih razloga napustio je sjednicu)

### **Ad.4.**

*(Informacija o stanju svih predmeta u Općinskom pravobranilaštvu, zaključno sa 31. 12. 2017. godine i narednim aktivnostima Općinskog pravobranilaštva na zaštiti imovine i interesa Općine Vareš.)*

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Kruno Riđić koji je tražio pojašnjenje u vezi određenih predmeta navedenih u Informaciji.

Zaključena je rasprava i predsjedavajući OV uz **Zaključak konstatuje da je Vijeće primilo k znanju**

***Informaciju o stanju svih predmeta u Općinskom pravobranilaštvu zaključno sa 31.12.2017. godine i narednim aktivnostima Općinskog pravobranilaštva na zaštiti imovine i interesa Općine Vareš.***

#### **Ad.5.**

*(Izveštaj o radu JP Veterinarske stanice d.o.o. Vareš za period od 01.01. – 31.12. 2017. godine.)*

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, stavove i pitanja iznijeli vijećnici: Mirnes Ajanović, Dženan Džafo, Elvir Rožajac, Emir Islamović i Općinski načelnik Zdravko Marošević koji je pohvalio rad JP Veterinarska stanica d.o.o. Vareš.

Direktor JP „Veterinarske stanice“ d.o.o. Vareš gosp. Suljo Abadžija dao je odgovore na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Izveštaj o radu JP Veterinarske stanice d.o.o. Vareš za period od 01.01. – 31.12. 2017. godine.

Nakon izjašnjavanja vijećnika predsjedavajući OV konstatuje da je **jednoglasno** ( sa 18 glasova „ZA“) prihvaćen

***Izveštaj o radu JP Veterinarske stanice d.o.o. Vareš za period od 01.01. – 31.012.2017. godine.***

#### **Ad.6.**

*(Izveštaj o radu JU Centar za socijalni rad Vareš za 2017. godinu.)*

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, stavove i pitanja iznijeli vijećnici: Kruno Ridić, Elvir Rožajac, Ilhana Fatić, Đemo Kevrić, Mirnes Ajanović i Općinski načelnik Zdravko Marošević koji je pohvalio rad i suradnju između ove ustanove i Općine Vareš.

Zaključena je rasprava i predsjedavajući OV stavio je na izjašnjavanje Izveštaj JU Centar za socijalni rad Vareš za 2017. godinu.

Nakon izjašnjavanja vijećnika predsjedavajući OV konstatuje da je **sa 16 glasova „ZA“ i 2 „SUZDRŽANA“ glasa prihvaćen**

***Izveštaj o radu JU Centar za socijalni rad Vareš za 2017. godinu.***



#### **Ad.7.**

*(Izveštaj o radu i poslovanju JPU „Dječije obdanište Vareš“ u 2017. godini.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o radu i poslovanju JPU „Dječije obdanište Vareš“ u 2017. godini.

Općinski načelnik Zdravko Marošević u svom obraćanju iznio je pozitivno mišljenje o radu JPU „Dječije obdanište Vareš“.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) prihvaćen**

*Izveštaj o radu i poslovanju JPU „Dječije obdanište Vareš“ u 2017. godini.*

#### **Ad.8.**

*(Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2018. godine.)*

Komisija za privredu, finansije i budžet na 9. sjednici održanoj 21.05.2018. godine jednoglasno je donijela sljedeće Zaključke:

- Komisija prihvata Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2017. godine upućuje Vijeću na razmatranje uz konstataciju da Komisija nije zadovoljna sa prekoračenjima po pojedinim stavkama u Izveštaju za I kvartal 2018. godine.
- Komisija sugerira da se mjerama i aktivnostima Općinskog načelnika i nadležne službe izvrši racionalizacija troškova i preispitaju troškovi u I kvartalu i da se krene sa realizacijom Odluke o trezorskom poslovanju.

Općinski načelnik Zdravko Marošević u svom izlaganju dao je dodatno pojašnjenje za ovu tačku dnevnog reda.

Otvorena je rasprava u kojoj su svoje mišljenja i stavove iznijeli vijećnici: Kruno Ridić, Branko Romić, Emir Islamović i Elvir Rožajac.

Zaključena je rasprava i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2018. godine.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 2 „SUZDRŽANA“ glasa uz Zaključke Komisije usvojen**

*Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2018. godine.*

#### **Ad.9.**

*(Informacija o ostvarenim prihodima u 2017. godini  
po osnovu odluka Općinskog vijeća Vareš.)*

Komisija za privredu, finansije i budžet na 9. sjednici održanoj 21.05.2018. godine jednoglasno je donijela sljedeće Zaključak:

- Komisija prima na znanje Informaciju o ostvarenim prihodima u 2017. godini po osnovu odluka Općinskog vijeća Vareš i upućuje je Vijeću na razmatranje.

Nije bilo rasprave po ovoj tački dnevnog reda i predsjedavajući **OV uz Zaključak konstatuje da je Vijeće primilo k znanju**

*Informaciju o ostvarenim prihodima u 2017. godini  
po osnovu odluka Općinskog vijeća Vareš.*

**Ad.10.**

*(Prijedlog Odluke o izmjenama Odluke  
o načinu i uslovima raspolaganja nekretninom.)*

Komisija za statutarna pitanja i propise na 11. sjednici održanoj 22.05.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke, te istu upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjenama Odluke o načinu i uslovima raspolaganja nekretninom.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) usvojena**

*Odluka o izmjenama Odluke o načinu  
i uslovima raspolaganja nekretninom.*

#### **Ad.11.**

*(Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.

Nakon izjašnjavanja vijećnika predsjedavajući OV konstatuje da **je jednoglasno (sa 18 glasova „ZA) usvojena**

***Odluka odavanju saglasnosti za zaključivanje Ugovora o zamjeni prava vlasništva na stanovima.***

#### **Ad.12.**

*(Prijedlog Odluke o davanju na upravljanje, korištenje i održavanje poslovnih objekata JU Centar za kulturu i edukaciju Vareš.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o davanju na upravljanje, korištenje i održavanje poslovnih objekata JU Centar za kulturu i edukaciju Vareš.

Nakon izjašnjavanja vijećnika predsjedavajući OV konstatuje da **je jednoglasno (sa 18 glasova „ZA“) usvojena**

***Odluka odavanju na upravljanje, korištenje i održavanje poslovnih objekata JU Centar za kulturu i edukaciju Vareš.***

#### **Ad.13.**

*(Prijedlog Rješenja o izboru i imenovanju predsjednika i članova Skupština Javnog preduzeća i to:*

- a) Skupštine JKP d.o.o Vareš,*
- b) Skupštine JP „Vareš-stan“ d.o.o Vareš*
- c) Skupštine JP Veterinarska stanica d.o.o Vareš.)*

U raspravi je učestvovao vijećnik Elvir Rožajac koji je iznio stav NS u vezi izjašnjavanja po ovoj tački dnevnog reda o čemu je dao pojašnjenje.

Predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JKP d.o.o Vareš.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojeno**

***Rješenje o izboru i imenovanju predsjednika  
i članova Skupštine JKP d.o.o. Vareš.***

Predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojeno**

***Rješenje o izboru i imenovanju predsjednika  
i članova Skupštine JP „Vareš-stan“ d.o.o. Vareš.***

Predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JP Veterinarska stanica d.o.o. Vareš.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojeno**

***Rješenje o izboru i imenovanju predsjednika  
i članova Skupštine JP Veterinarska stanica d.o.o. Vareš.***

**Ad.14.**

*(Informacija o provođenju lokalnog ekološkog  
akcionog/akcijskog plana za općinu Vareš u 2017. godini.*

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

***Informaciju o provođenju lokalnog ekološkog  
akcionog/akcijskog plana za općinu Vareš u 2017. godini.***

**Ad.15.**

*(Informacija o stanju opremljenosti Profesionalne vatrogasne  
jedinice Općine Vareš i DVD na području općine Vareš.*

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

***Informaciju o stanju opremljenosti Profesionalne  
vatrogasne jedinice Općine Vareš i DVD na području općine Vareš.***

**Ad.16**

*( Tekuća pitanja)*

1. Vijećnik Kruno Ridić uputio je pitanje Općinskom načelniku da li postoji mogućnost da se urgira kod vlasnika benzinske stanice „Energopetrol“ da osigura na svojoj pumpi tekući plin. O istom je dao pojašnjenje.

Općinski načelnik Zdravko Marošević u svom obraćanju čestitao svim vjernicima islamske vjeroispovijedi nastupajući Ramazanski Bajram.

Predsjedavajući OV Adis Čizmo u svoje lično ime i u ime Općinskog vijeća čestitao je svim vjernicima islamske vjeroispovijedi nastupajući Ramazanski Bajram.

Sastavni dio ovog Zapisnika je audio zapis sjednice.

Sjednica je završena u 18,25 sati.

***SEKRETAR***

**Leon Pavlović**

***PREDSJEDAVALJUĆI  
OPĆINSKOG VIJEĆA***

**Adis Čizmo**

***ZAPISNIČAR***

**Azra Pijadžer**